

[Sápmi](#) 10.11.2015 klo 6:51

Mo dahkat Suoma sode-málles maid sámi málle? – "Sámiid ii oaččo vajálduhttit"

Sode-odastusa birra bohtá oppa áigge eanet diehtu. Muhto mo odastus váikkuha sámiide, dan sáhtá dušše árvidit. Dál galgáge sihkkarastit, ahte sámit eai vajálduva odastusas, ávžžuha sosiálaráđdeolmmoš Ristenrauna Magga.



Govva:

Anneli Lappalainen / Yle Sápmi

Sosiálaráđdeolmmoš Ristenrauna Magga lea hárvánan gohcit sámiid ovdduid sosiála- ja dearvvasvuodasuorggis.

Son muittuha, ahte sámiid ii oaččo vajálduhttit sosiála- ja dearvvasvuodabálvalusaid odastusas.

– Dál lea dat áigi, ahte ferte leat daid bargojoavkkuin mielde dál, iige dasto moatti jagi geažes biehkut, ahte go eat bargan maidige, Magga dadjá.

Ministtar: Mii huksegoahtit Suoma málle



Juha Rehula Govva: Antti Aimo-Koivisto / Lehtikuva

Ja nu stuoris dát ođastus leage, ahte ráđđehus measta gopmánii mannan vahkus, go hearrát illá bastte soabadit mo sosiála- ja dearvvasvuodabálvalusaid boahtteáiggis galgá hukset.

– Dál mii huksegoahtit Suoma málle. Oahpu váldit Ruotas ja earáge olgoriikkain, gos leat dánlágan čovdosat. Min málle válmmaštallan lea dál álgán, dadjá bearaš- ja vuodđobálvalusministtar Juha Rehula (guovd).

Mo dahkat Suoma málles maid sámi málle?



Govva: Yle Uutisgrafiikka Sode-málle válmmaštallamis beassá maid Sámediggi leat mielde.

[Suoma málles](#) galget leat 18 iešmearridanguovllu gielddaid ja stáhtaid gaskas.

Dain 15 guovllu leat sode-guovllut, mat ožžot gielddaid sajis sode-balvalusaíd ordnenovddasvastádusa.



Govva: Anneli Lappalainen / Yle

Mo dahkat dás Sámi málle, dan birra ii Sámediggi vuossárgga máhttán dadjat vel olus maidege.

– Sámedikkis ii leat vel diehtu, mo sámit leat váldojuvvon vai leatgo váldojuvvon vuhtii ođđa sodeláhkaevttohusas. Áidna maid mii diehtit lea, ahte láhkaevttohus bohtá cealkinláhkai boahhte njukčamánu, muitala Sámedikki hálddahushoavda ja sosiála- ja dearvvasvuodačáli Pia Ruotsala.

Ovdal leat goittotge [cealkán Juha Sipiläi](#), ahte ahte lea dehalaš, ahte sámit davimus Suomas ožžot buriid sosiála- ja dearvvasvuodabálvalusaid golmma sámegillii ja ahte dat leat heivehuvvon sáme kultuvrii.